

He Hō'ike no ka Ho'opihapiha 'ia o ka Pepa Noi Komo no ka

Papahana Ho'omākaukau Kumu 'Ōiwi 'o Kahuawaiola

PAPA HŌ'OIA

- Ka Palapala Noi Komo Kulanui
- Ke kāki noi komo he \$50
- Ka Palapala Noi Komo Kahuawaiola
- Ka leka noi komo
- Ka Palapala Hō'oia Hana
- Nā leka kāko'o he 'ekolu
- Ka mo'omō'ali kaha kulanui
- Nā kaha Praxis [Kahuawaiola: 9200]
- Ka nīnauele

LĀ PALENA PAU MAKAKOHO: 01 Kekemapa

KA PAPAHAHA

'O ka papahana ho'omākaukau kumu 'ōiwi 'o Kahuawaiola, he polokalamu mulipuka ia, he 'ekolu kau kona lō'ihī i kūkulu 'ia no ka ho'omākaukau 'ana i nā kumu Maui Ola Hawai'i no ka ho'ona'auao ma o ka 'ōlelo Hawai'i, no nā polokalamu a'o 'ōlelo a mo'omeheu Hawai'i a no nā kula e lawelawe ana no nā haumāna kuana'ike Hawai'i. Ma ka puka kūhelu 'ana o nā haumāna mai Kahuawaiola e kō ai kekahi o nā koina Laikini Kumu A'o Paekomo a ka Hawai'i Teacher Standards Board.

Ke mālama 'ia nei 'o Kahuawaiola e Ke Koleke 'Ōlelo Hawai'i 'o Ka Haka 'Ula O Ke'elikōlani ma loko o ka 'ōlelo Hawai'i wale nō, a pēlā nō ho'i ma luna o ke kahua mo'omeheu Hawai'i. I ka wā e kū nei, he mālama wale 'ia nō nā papa kahua 'ike o Kahuawaiola i ke kauwela a 'a'ole i ke kau kula ma'amau. Me ia mana'o e 'ae 'ia ai ke komo o nā moho hou ma ka ho'omaka o ke kauwela wale nō. Ma nā kau hā'ulelāu a me ke kupulau, ho'onoho 'ia nā moho Kahuawaiola i nā kula kaia'ōlelo-kaiapuni Hawai'i me ke kōkua o nā kahu a'oākumu a me ka luna a'oākumu. A'o 'ia nā papa seminā ma nā 'auinalā Po'akolu. Koi 'ia nā moho e komo ma ke kulanui haumāna manawa piha ma nā kau 'ekolu o ka papahana.

Hāmama ka polokalamu i nā 'ano haumāna like 'ole a pau, 'a'ole i nā haumāna wale nō nona ka B.A. Ha'awina Hawai'i no Ke Kulanui o Hawai'i ma Hilo, akā, i kēlā mea kēia mea nona kekahi kēkelē muapuka e koi ana he 120 'ai a 'oi paha, he 45 a 'oi ma ka pae 300 a ma luna a'e paha a e kō ana nā koina 'ōlelo a mo'omeheu

Hawai'i e helu 'ia nei ma ka puke helu papa kulanui UHH.

KE KA'INA HANA NOI KOMO

'O ka lā palena pau no ke noi komo ka lā 01 o Kekemapa. Ma hope o ia lā, e 'ae wale 'ia nō nā noi lohi inā mau nō ka lawa o ka lumi.

E ho'ouna 'ia ka pepa noi komo i ke Ke'ena 'Ae Komo o ke kulanui, a e ho'ouna 'ia nā palapala kāko'o 'ē a'e a pau i ke Ke'ena Kahuawaiola ma ke koleke 'ōlelo Hawai'i 'o Ka Haka 'Ula o Ke'elikōlani.

E pane'e 'ia aku nā noi e kū ana i nā koina a pau i ke kōmike wae moho Kahuawaiola. E ho'ouna 'ia aku nā mana'o ho'oholo o ke Kōmike i ka Mokuna Mulipuka o ke kulanui nāna e hō'ike aku i ka mea noi.

NĀ KOINA E KOMO AI

1. ka ho'opihapiha pono 'ana i nā palapala noi komo.
2. ke kēkelē laepua no kekahi kulanui i 'āpono 'ia, ma ka mēkia i 'āpono 'ia e ka Mokuna Papahana Kālai'ike.
3. ka 'awelike kaha he 3.0 ke emi loa o nā 'ai hope loa he 60 ('ai muapuka a mulipuka paha).
4. ka 'awelike kaha he 2.75 ke emi loa ma ka mēkia.
5. 'ehā makahiki 'ōlelo Hawai'i me ka 'awelike kaha he 2.75 ke emi loa no ka makahiki 'ekolu a me ka 'ehā, a i 'ole ka 'ae a ka Mokuna Papahana Kālai'ike ma muli o ka puka 'ana ma ka hō'ike mākaukau 'ōlelo.
6. ka puka 'ana ma ho'okahi o nā papa penei: HWST 111, 211, 213; a i 'ole ka 'ae a ka Mokuna Papahana Kālai'ike ma muli o ka puka 'ana ma ka hō'ike mākaukau mo'omeheu Hawai'i.
7. ka puka 'ana ma ho'okahi o nā papa penei: HWST 205, 471, 472, 473, 474; a i 'ole ka 'ae a ka Mokuna Papahana Kālai'ike ma muli o ka puka 'ana ma ka hō'ike mākaukau mo'omeheu Hawai'i.
8. ka puka 'ana ma ka papa: KHAW 490.
9. he 50 hola hana ma kekahi kula kaia'ōlelo-kaiapuni Hawai'i, A I 'OLE 30 hola hana ma ke kula kaia'ōlelo-kaiapuni Hawai'i me ke 30 hou hola hana ma ka ho'omohala ha'awina 'ana ma loko o ka 'ōlelo Hawai'i.
10. ka puka 'ana ma ka hō'ike Praxis II, inā pili i kāu laikini.
11. nīnauele na nā kumu Kahuawaiola.

KA LEKA NOI KOMO

E kākau i leka noi komo e pane ana i kēia mau nīnau:

1. *He aha nā kumu i ulu ai kou makemake e lilo i kumu Maui Ola Hawai'i?*
2. *He aha kou ikaika a me ka nāwaliwali ma ke a'o haumāna 'ana?*
3. *He aha ka waiwai o ka ho'oulu 'ana i ka maui Hawai'i ka haumāna a, pehea e ho'oulu 'ia ai ma loko o ka ha'awina kula?*

NĀ KOINA PUKA

Loiloī 'ia ka puka ma ka papahana ma luna o ke kō piha o nā papa he 'umikūmākahi, me ke kaha "B" a 'oi a me ka 'awelike kaha he 3.0 ke emi loa:

NĀ PAPA KAHUAWAIOLA

- KED 620 (3) Paepae Ho'ona'auao no ke Kula Maui Ola
- KED 621 (2) Mākau 'Ōlelo no ke Kula Maui Ola
- KED 623 (2) Pilikanaka no ke Kula Maui Ola
- KED 625 (1) Mākau Kino no ke Kula Maui Ola
- KED 626 (2) 'Epekema no ke Kula Maui Ola
- KED 627 (2) Makemakika no ke Kula Maui Ola
- KED 628 (1) Pāheona no ke Kula Maui Ola
- KED 641 (9) A'oākumu I
- KED 642 (3) Seminā A'oākumu I
- KED 643 (9) A'oākumu II
- KED 644 (3) Seminā A'oākumu II

No ka 'ikepili 'ae komo, e kama'ilio me:

Māhealani Jones
Mokuna Mulipuka, UH Hilo
200 W. Kāwili, Hilo, HI 96720-4091
kelepona: 808-932-7926
hilograd@hawaii.edu
www.uhh.hawaii.edu/academics/graduate

No kekahi 'ikepili hou aku no ka papahana Kahuawaiola a me nā koina HTSB a DOE paha, e kama'ilio me:

Ku'ulei Kepa'a
Ka Haka 'Ula O Ke'elikōlani, UH Hilo
200 W. Kāwili, Hilo, HI 96720-4091
kelepona: 808-932-7732
kelepa'i: 808-932-7214
kuulei.kepaa@hawaii.edu
www.kahuawaiola.org

No ke noi komo, e 'e'e ma:

<http://hilo.hawaii.edu/admissions/Apply.php>

E ho'ouna pololei 'ia nā palapala kāko'o a pau i ke Ke'ena Kahuawaiola ma ke koleke 'ōlelo Hawai'i 'o Ka Haka 'Ula o Ke'elikōlani.

MANA'O HOU

'O nā haumāna puka piha ma Kahuawaiola, e hoihoi ana nō paha i ka ho'omau a noi komo hou aku ma ka papahana M.A. Ho'ona'auao 'Ōlelo a Mo'omeheu 'Ōiwi e mālama pū 'ia nei ma lalo o Ke Koleke 'Ōlelo Hawai'i 'o Ka Haka 'Ula o Ke'elikōlani ma Ke Kulanui o Hawai'i ma Hilo. He papahana ho'omākaukau ia i ka po'e e a'o ana i ka 'ōlelo a me ka mo'omeheu 'ōiwi, e la'a me nā kumu kula, nā po'okumu, nā laekahi kumuwaiwai mo'omeheu 'ōiwi, a me ia 'ano aku ia 'ano aku o ka po'e a'o 'ike 'ōiwi.

No kekahi 'ike hou aku no ka M.A. Ho'ona'auao 'Ōlelo a Mo'omeheu 'Ōiwi, e ho'oka'a'ike aku e like me ka 'ikepili e waiho nei ma lalo.